

TEKS UCAPAN SESI PENERANGAN MENTERI



TEKS UCAPAN

**YB DATUK SERI HAJI MOHAMAD BIN SABU
MENTERI PERTANIAN DAN
KETERJAMINAN MAKANAN**

**PENERANGAN OLEH YB MENTERI KEPADA AHLI
DEWAN RAKYAT BERKENAAN ISU BEKALAN
BERAS PUTIH TEMPATAN**

DI DEWAN RAKYAT

**9 OKTOBER 2023
(ISNIN)**

TEKS UCAPAN SESI PENERANGAN MENTERI

LATAR BELAKANG

1. Assalammualaikum WBT dan Salam MALAYSIA MADANI. Terima kasih kepada semua Ahli-Ahli Yang Berhormat sekalian yang sudi hadir pada Sesi Penerangan YB Menteri kepada Ahli Dewan Rakyat Berkaitan Isu Bekalan Beras Putih Tempatan pada pagi ini.

**Ucapan Aluan
Pembukaan**

PUNCA GANGGUAN BEKALAN BERAS PUTIH TEMPATAN

2. Saya ingin menjelaskan tentang punca gangguan bekalan beras putih tempatan.
3. Selepas ditolak dengan permintaan BPT oleh industri, pembekal kontrak Kerajaan, agihan zakat, keperluan bagi padi benih dan beras istimewa, **ketersediaan BPT yang berada di pasaran ialah dalam sekitar 40% sahaja.**
4. Selama ini, **bekalan BPT ini mencukupi kerana majoriti rakyat memilih untuk membeli BPI sama ada bagi kegunaan sendiri ataupun untuk berniaga disebabkan oleh perbezaan harga yang kecil.** Perubahan tingkah laku pengguna, dengan izin (*consumer behaviour*) telah menyebabkan permintaan kepada BPT lebih tinggi dari BPI.

TEKS UCAPAN SESI PENERANGAN MENTERI

KENAIKAN HARGA BERAS DUNIA

5. Fenomena kenaikan harga beras ini bukanlah isu tempatan yang hanya berlaku di Malaysia sahaja malah turut melibatkan negara serantau. Sehingga kini **sebanyak 19 negara telah membataskan eksport ke negara luar untuk memberi keutamaan kepada rakyat sendiri**. Sebagai contoh negara India telah mengenakan sekatan eksport beras putih mulai Julai 2023. **India merupakan negara utama pengeksport beras dengan menyumbang lebih 40% daripada eksport beras dunia pada tahun 2022** merangkumi jumlah eksport sebanyak 22 juta tan metrik bernilai sekitar USD9.66 bilion.
6. India telah mengumumkan **larangan eksport beras putih bukan basmathi**. Kementerian Hal Ehwal Pengguna dan Makanan India telah memaklumkan bahawa langkah itu diambil bagi memastikan **ketersediaan bekalan yang mencukupi dan meredakan kenaikan harga beras dalam pasaran domestik** dan keputusan ini telah memberi kesan kepada kenaikan harga beras putih di peringkat global.
- Larangan Eksport Beras**
- Dasar Protectionism Yang Diamalkan Negara Pengeluar Beras Dunia**

TEKS UCAPAN SESI PENERANGAN MENTERI

7. Beras merupakan makanan ruji utama dunia bagi anggaran sebanyak 3.5 bilion penduduk terutamanya di rantau Asia. Ketika ini harga pasaran beras antarabangsa melonjak berikutan pandemik COVID-19, krisis Rusia - Ukraine dan kesan fenomena cuaca El Nino ke atas tahap pengeluaran padi global.
8. Harga beras putih global **mencatatkan peningkatan sebanyak 63% dalam tempoh setahun**, iaitu daripada USD400 per tan metrik pada Ogos 2022 kepada USD650 per tan metrik pada Ogos 2023. **Trend kenaikan ini dijangka akan berterusan sehingga penghujung tahun 2023.** Kenaikan harga ini turut disumbang oleh pengukuhan Dolar Amerika Syarikat berbanding Ringgit Malaysia (RM) iaitu dari purata RM4.47/USD pada bulan Ogos 2022 kepada melebihi RM4.61/USD pada bulan Ogos 2023 (Sumber Bank Negara Malaysia).
9. Menurut *Food and Agriculture Organisation* (FAO), stok beras dunia dijangka mencecah paras tertinggi iaitu 198.1 juta tan metrik pada 2023/2024, dengan Negara India dan China menguasai hampir tiga perempat daripada stok beras tersebut sama seperti musim-musim sebelumnya. Anggaran jumlah penggunaan beras bagi Negara India dan China adalah sebanyak 38% untuk tempoh setahun.

TEKS UCAPAN SESI PENERANGAN MENTERI

PELARASAN HARGA BERAS PUTIH IMPORT

Ahli Yang Berhormat,

10. Dalam memastikan bekalan beras negara mencukupi dan kekal stabil, Padiberas Nasional Berhad (BERNAS) perlu mengimport Beras Putih Import (BPI) walaupun pada harga pasaran yang lebih tinggi untuk menampung keperluan penduduk sebanyak 37%. Namun demikian, BERNAS masih mengekalkan harga jualan BPI di pintu gudang pada harga RM2,350 per tan metrik dengan menyerap kesan kenaikan harga beras import sejak tahun lepas. Perkara ini berisiko menjelaskan operasi perniagaan dan kedudukan kewangan BERNAS serta 10 obligasinya kepada pihak Kerajaan.
11. Berikutan kenaikan harga beras putih import di pasaran dunia secara mendadak selepas larangan eksport oleh Kerajaan India, **BERNAS telah mengumumkan pelarasan harga jualan BPI di pintu gudang BERNAS seluruh negara daripada RM2,350 per tan metrik kepada RM3,200 per tan metrik berkuat kuasa pada 1 September 2023** sejajar dengan harga terkini BPI di pasaran antarabangsa.

TEKS UCAPAN SESI PENERANGAN MENTERI

12. Sekiranya kenaikan harga BPI berterusan tanpa pelarasan harga jualan dilaksanakan, **BERNAS akan mengalami kerugian pada tahun kewangan berakhir 31 Disember 2023**. BERNAS juga dijangka akan **hilang kemampuan untuk berkongsi 30% keuntungan bersih pengimportan dengan pesawahan** sehingga membawa implikasi negatif kepada Kerajaan. Walau bagaimanapun, **harga jualan BPI akan diselaraskan oleh BERNAS dari semasa ke semasa tertakluk kepada harga pasaran beras global (harga *freight on board - FOB*) dan kadar nilai tukaran mata wang.**
13. **Kesan pelarasan harga BPI ini telah menyebabkan permintaan Beras Putih Tempatan (BPT) meningkat secara mendadak** kerana harga BPT yang dikawal oleh Kerajaan iaitu RM2.60 sekilogram adalah lebih murah berbanding BPI yang tiada kawalan harga. **Ini memberi tekanan kepada permintaan terhadap BPT di pasaran.** Selain itu, penurunan hasil pengeluaran padi tempatan atas pelbagai faktor luaran seperti perubahan iklim dan serangan penyakit.
- Faktor Pelarasan
Harga Beras
Putih Import
- Kesan Pelarasan
Harga Beras
Putih Import

TEKS UCAPAN SESI PENERANGAN MENTERI

STATUS SEMASA KEDUDUKAN BERAS NEGARA

14. Berkenaan status semasa **kedudukan stok beras negara, jumlah stok bekalan beras sehingga 3 Oktober 2023 adalah sebanyak 820,482 tan metrik** yang terdiri daripada **250,000 tan metrik stokpail Kerajaan dan 570,482 tan metrik stok dagangan**. Jumlah ini adalah mencukupi untuk menampung keperluan beras negara bagi tempoh empat (4) hingga lima (5) bulan.

STATUS PELAKSANAAN PROGRAM KHAS BERAS PUTIH TEMPATAN

Ahli Yang Berhormat,

15. Perkara kedua yang ingin saya jelaskan hari ini adalah tentang langkah-langkah intervensi yang telah dan sedang dijalankan oleh pihak KPKM.
16. Pada 20 September 2023, saya telah lancarkan **Program Khas Beras Putih Tempatan, sehingga 7 Oktober 2023 sebanyak 708,978 kampit BPT 10kg telah diedarkan di seluruh Semenanjung** melalui rantaian peruncit seperti pasaraya, rantaian premis serta outlet FAMA dan LPP.

TEKS UCAPAN SESI PENERANGAN MENTERI

17. Pecahan agihan adalah seperti berikut:
- (i) Pasaraya - 423,816 kampit (60%)
(ii) FAMA - 109,829 kampit (16%)
(iii) LPP - 60,240 kampit (9%)
(iv) 103 - Pemborong (edaran peruncit) - 115,093 kampit (16.2%)
18. Ini mengambarkan **FAMA dan LPP hanya diberi peranan dalam tempoh intervensi** manakala pasaraya dan pemborong, peruncit terus diberi peranan utama memasarkan BPT di pasaran. **Program ini dilaksanakan bagi tempoh setahun** bagi memastikan bekalan BPT stabil, cukup dan terjamin.
19. Pihak KPKM juga telah mengadakan sesi libat urus dengan beberapa persatuan restoran, pengusaha makanan dan penjaja kecil pada 15 September 2023 dan **persetujuan telah dicapai untuk memberikan lesen borong kepada persatuan bagi membolehkan mereka membeli BPI pada harga borong di pintu gudang** tertakluk kepada syarat dan peraturan yang telah dipermudahkan.
- | | |
|--|---|
| <p>17. Pecahan agihan adalah seperti berikut:</p> <p>(i) Pasaraya - 423,816 kampit (60%)
(ii) FAMA - 109,829 kampit (16%)
(iii) LPP - 60,240 kampit (9%)
(iv) 103 - Pemborong (edaran peruncit) - 115,093 kampit (16.2%)</p> | <p>Pecahan Agihan</p> <p>Pengedaran BPT</p> |
| <p>18. Ini mengambarkan FAMA dan LPP hanya diberi peranan dalam tempoh intervensi manakala pasaraya dan pemborong, peruncit terus diberi peranan utama memasarkan BPT di pasaran. Program ini dilaksanakan bagi tempoh setahun bagi memastikan bekalan BPT stabil, cukup dan terjamin.</p> | |
| <p>19. Pihak KPKM juga telah mengadakan sesi libat urus dengan beberapa persatuan restoran, pengusaha makanan dan penjaja kecil pada 15 September 2023 dan persetujuan telah dicapai untuk memberikan lesen borong kepada persatuan bagi membolehkan mereka membeli BPI pada harga borong di pintu gudang tertakluk kepada syarat dan peraturan yang telah dipermudahkan.</p> | |

TEKS UCAPAN SESI PENERANGAN MENTERI

EMPAT (4) LANGKAH INTERVERSI TAMBAHAN **KEMENTERIAN**

20. Pada 2 Oktober 2023, hasil pertemuan saya bersama YAB Perdana Menteri, beliau telah bersetuju untuk Kementerian melaksanakan empat (4) langkah intervensi tambahan seperti berikut iaitu:
- (i) yang pertama, FAMA dan LPP telah diarahkan untuk **meningkatkan pengedaran BPT ke kawasan pinggir bandar dan luar bandar** termasuk ke kedai-kedai runcit. Oleh kerana margin jualan BPT hanya 50 sen bagi kampit 10kg diperangkat runcit, maka **Kerajaan telah bersetuju untuk menyalurkan kos pengangkutan kepada pihak FAMA dan LPP bagi pengedaran BPT**. Perlu saya tegaskan di sini bahawa **peranan FAMA dan LPP dalam langkah intervensi ini hanya bersifat sementara** dan bukanlah sebagai pengedar utama BPT di negara ini;
- (ii) yang kedua, semua **perolehan pembekalan beras putih tempatan di bawah kontrak Kerajaan akan menggunakan BPI** dan pihak pembekal boleh mendapatkan bekalan pada harga borong **RM3,200 per tan metrik (harga pintu gudang)** dalam kampit **50kg** dan ia **Kerajaan** **Peralihan Daripada BPT Kepad BPI Bagi Pembekalan Di Bawah Kontrak Kerajaan**

TEKS UCAPAN SESI PENERANGAN MENTERI

tertakluk kepada syarat dan peraturan yang telah ditetapkan;

STATUS TERKINI: pihak Kementerian Kewangan (MOF) telah memanggil mesyuarat penyelarasan antara Kementerian Pertahanan, Kementerian Dalam Negeri, Agensi Antidadah Kebangsaan dan Jabatan Penjara Malaysia mengenai Peralihan Kontrak Kerajaan menggunakan beras putih import telah diadakan pada 3 Oktober 2023 dan 6 Oktober 2023 untuk mengenal pasti jumlah kontrak perolehan BPT bagi digantikan dengan BPI;

- (iii) **yang ketiga, menubuhkan *Task Force Khas yang melancarkan operasi bersepadu melibatkan pelbagai agensi* meliputi Kawal Selia Padi dan Beras (KPB), KPKM, Polis Diraja Malaysia (PDRM), Jabatan Kastam Diraja Malaysia (JKDM), Penguat Kuasa Kementerian Perdagangan Dalam Negeri dan Kos Sara Hidup (KPDN) dan Jabatan Perkhidmatan Kuarantin dan Pemeriksaan Malaysia (MAQIS). Mesyuarat *Task Force Khas OP Bersepadu Beras Putih Tempatan (OP BPT)* yang telah diadakan pada 3 Oktober 2023 dipengerusikan oleh YB Timbalan Menteri KPKM.** **Penubuhan Task Force Yang Memperkuuh Kerjasama Strategik Pelbagai Pihak**

TEKS UCAPAN SESI PENERANGAN MENTERI

OP BPT Bersepadu ini melibatkan pemeriksaan menyeluruh atas semua peringkat rantai industri termasuk semua kilang beras dan stor pemborong beras. Sampel beras juga akan diambil di kilang beras, gudang pemborong dan juga pasaraya untuk dibuat analisis kimia oleh Jabatan Kimia Malaysia dan MARDI.

STATUS TERKINI: OP BPT Bersepadu ini **telah dilaksanakan pada 5 Oktober 2023** diketuai oleh YB Timbalan Menteri KPKM bersama agensi-agensi terlibat melalui **pemeriksaan ke tiga (3) premis pemborong di sekitar Selangor**. Sampel beras dari gudang pemborong juga telah diambil untuk analisis kimia oleh MARDI. Saya ingin menegaskan di sini bahawa pihak **Kerajaan akan mengambil tindakan yang tegas ke atas mana-mana pihak yang didapati menukar kampit atau mencampurkan BPT dengan BPI atau menyorokkan BPT**; dan

- (iv) **yang keempat**, dalam konteks Sabah, Labuan dan Sarawak, Kerajaan telah bersetuju untuk **memberikan subsidi sebanyak RM950 per tan metrik Beras Putih Import (BPI) mulai 5 Oktober 2023**. Melalui kaedah ini, harga runcit BPI di kedua-dua negeri ini akan menjadi **Pemberian Subsidi Bagi BPI Di Sabah, Labuan Dan Sarawak**

TEKS UCAPAN SESI PENERANGAN MENTERI

harga maksima RM31 bagi sekampit 10kg. Langkah ini diambil memandangkan pengeluaran BPT di Sabah dan Sarawak adalah terhad;

STATUS TERKINI: pada 7 Oktober 2023, YB Timbalan Menteri turut mengadakan tinjauan lapangan harga BPI terkini di pasaraya sekitar Kota Kinabalu, Sabah bersama Pengarah Kawalselia Padi dan Beras (KPB) Sabah dan wakil Kementerian Pertanian, Perikanan dan Industri Makanan (MAFFI) Sabah.

Pemberian subsidi ini bertujuan bagi memastikan rakyat sentiasa mendapat bekalan beras yang mencukupi dengan harga yang stabil dan terkawal.

Pihak pemborong di Sabah seperti Sazarice Sdn. Bhd. telah bersetuju supaya BPI yang telah dibeli oleh pasaran runcit dan pasar raya sebelum 5 Oktober 2023 dijual pada harga baharu yang telah ditetapkan. Perbezaan kos akan ditanggung oleh pihak pemborong berkenaan.

TEKS UCAPAN SESI PENERANGAN MENTERI

HARGA LANTAI BELIAN PADI RM1,200

21. Kerajaan menetapkan harga lantai belian padi **Semakan RM1,200. Kali terakhir harga lantai padi dinaikkan** **Terakhir Harga adalah pada tahun 2014** iaitu daripada RM750 per tan metrik kepada RM1,200 per tan metrik. **Lantai Belian Padi**
22. Penetapan harga lantai ini adalah **bagi memastikan petani mendapat harga padi yang berpatutan** dan sebagai tanda aras kepada pengilang untuk membeli padi pada harga yang tidak kurang daripada yang ditetapkan oleh Kerajaan.
23. Harga lantai padi merupakan asas dalam penetapan harga pasaran beras. **Harga lantai padi yang tinggi boleh mengganggu kestabilan harga pasaran beras tempatan yang akhirnya akan membebankan pengguna.** Harga pasaran beras tempatan yang tinggi juga akan menggalakkan aktiviti penyeludupan beras ke dalam negara.

BENIH PADI SAH

24. KPKM memandang serius akan perihal isu **Isu Benih Padi berbangkit mengenai harga dan juga bekalan benih padi sah** di dalam pasaran. Bekalan benih padi sah hanya dikeluarkan oleh **pengeluar benih padi sah yang dilantik oleh Kerajaan.**

TEKS UCAPAN SESI PENERANGAN MENTERI

25. Ia mempunyai mekanisma kawalan ke atas pengeluaran dan pemasaran benih padi sah sepetimana yang telah termaktub di dalam Perintah Tetap Ketua Pengarah Kawalselia Padi dan Beras Bilangan 1/2021: Kawalan Kerajaan Ke Atas Pengeluaran Dan Pemasaran Benih berkuat kuasa 11 November 2021.
26. Sehubungan itu, **semua pengeluar atau pemborong hendaklah memastikan penjualan benih padi sah tidak melebihi daripada kuota yang telah diberikan dan harga yang dijual kepada peruncit tidak melebihi harga maksimum yang telah ditetapkan iaitu RM31 per kampit 20kg jualan benih di pintu kilang manakala harga maksimum RM32 per kampit 20kg termasuk pengangkutan. Bagi jualan benih padi sah pada peringkat runcit kepada pesawah hendaklah dijual tidak melebihi harga maksimum iaitu RM35 per kampit 20kg.**
27. **Sekiranya didapati ada pihak gagal untuk Kegagalan melaksanakan arahan ini dan mematuhi Akta Mematuhi Kawalan Padi dan Beras 1994 [Akta 522], Akta 522 Kementerian melalui kuasa Ketua Pengarah Kawalselia Padi dan Beras berhak untuk membatalkan atau menggantung setiap lesen yang telah dikeluarkan.**

TEKS UCAPAN SESI PENERANGAN MENTERI

IMPAK SUSULAN PENGUMUMAN YB MENTERI BERHUBUNG EMPAT (4) LANGKAH INTERVENSI TAMBAHAN KEMENTERIAN

28. Susulan daripada pengumuman saya pada 2 Oktober 2023 berkaitan empat (4) langkah intervensi tambahan, KPKM dimaklumkan bahawa **semua kilang padi telah pun menawarkan harga belian padi di pintu kilang adalah RM1,250 per tan metrik.** Ini disebabkan kilang perlu mengurangkan kos operasi bagi membolehkan mereka mengeluarkan BPT di pasaran. **Respon Terhadap Empat (4) Langkah Intervensi Kerajaan**
29. Susulan daripada itu, perkara ini **telahpun menimbulkan ketidakpuasan hati dan kemarahan para pesawah** terutamanya di negeri yang menuai padi seperti di negeri Perlis, Kedah, Kelantan, Terengganu dan Selangor. **Kerajaan telahpun bersetuju menaikkan Skim Subsidi Harga Padi (SSHP) daripada RM360 kepada RM500.** Selain itu, BERNAS juga akan berkongsi 30% keuntungan bersih pengimportan yang dapat dinikmati oleh 240,000 pesawah seluruh negara. **Kenaikan SSHP Daripada RM360 Kepada RM500**

TEKS UCAPAN SESI PENERANGAN MENTERI

30. Perlu saya tegaskan di sini bahawa tindakan Keputusan Oleh menurunkan harga belian padi oleh pengilang Pengilang bukanlah dibuat oleh pihak kerajaan tetapi ia adalah **keputusan yang dibuat oleh pihak pengilang.**

LANGKAH JANGKA PANJANG KEMENTERIAN MENINGKATKAN SSR BERAS NEGARA

31. Sejak Dasar Pertanian Negara mula dilaksanakan pada tahun 1984 sehingga ke Dasar Agromakanan Negara 2021-2030 (DAN 2.0), pelbagai program keterjaminan makanan, terutamanya beras yang merupakan makanan ruji, telah dan sedang dilaksanakan oleh Kerajaan bagi memastikan sekuriti bekalan makanan sentiasa terjamin sepanjang masa.
32. Dalam hal ini, Kerajaan telah menyasarkan untuk **Penetapan mencapai Kadar Sara Diri (SSR) beras masing-masing sebanyak 75% pada 2025 dan 80% pada tahun 2030 dalam tempoh Rancangan Malaysia Kedua Belas (RMKe-12) dan DAN 2.0.** **Kadar Sara Diri (SSR) Beras Dalam DAN 2.0**
33. Sehingga ke hari ini, KPKM sentiasa mendepani isu dan cabaran daripada pelbagai sudut dalam usaha membekalkan beras putih tempatan pada harga **RM2.60 per kilogram yang merupakan harga terendah dalam kalangan negara Asia Tenggara.** **Kawalan Harga Beras RM2.60 Yang Terendah Dalam Negara Asia Tenggara**

TEKS UCAPAN SESI PENERANGAN MENTERI

Sebagai perbandingan, harga beras putih di negara serantau yang lain adalah seperti berikut: Thailand (RM3.40), Filipina (RM3.70), Vietnam (RM3.50), Indonesia (RM3.90), Laos (RM5.50), Kemboja (RM4.50), Brunei (RM6.00) dan Singapura (RM4.50).

34. **Dengan kawasan bertanam negara tidak sampai satu juta hektar** berbanding negara Asia Tenggara lain yang memiliki belasan juta hektar, **negara mampu mencapai SSR 62.6% pengeluaran beras tempatan** pada tahun 2022 dan selebihnya ditampung melalui sumber import. **Pencapaian SSR Beras Bagi Tahun 2022 Iaitu 62.6 Peratus**
35. Antara isu dan cabaran yang dihadapi oleh subsektor padi dan beras adalah perkara yang berada dalam kawalan KPKM seperti **penggunaan teknologi pertanian yang kurang meluas; infrastruktur pertanian seperti pengairan dan saliran yang tidak lengkap; penyertaan golongan muda yang masih rendah**; dan sebagainya. Selain itu, subsektor padi dan beras negara turut dipengaruhi oleh beberapa faktor di luar kawalan iaitu bencana alam seperti banjir dan kemarau; fenomena La Nina dan El Nino akibat perubahan iklim; peningkatan kos bahan input seperti baja dan racun akibat peningkatan harga bahan mentah global; dan sebagainya. **Cabaran Bagi Industri Padi Dan Beras Negara**

TEKS UCAPAN SESI PENERANGAN MENTERI

36. Secara dasarnya, pengukuhan keseluruhan rantai nilai industri perlu dijadikan agenda utama dalam melakukan anjakan paradigma terhadap industri padi dan beras negara dan kerjasama di antara awam-swasta dan semua pihak berkepentingan adalah kunci kepada pertumbuhan industri yang lebih mampan.
37. Kejayaan pelaksanaan program SMART Sawah Berskala Besar (SMART SBB) adalah manifestasi kepada perkara ini. Kerjasama strategik antara KPKM dan 27 buah Syarikat Peneraju ini telah menghasilkan beberapa pencapaian menakjubkan meskipun hanya bermula pada tahun 2021. Antaranya ialah **rekod proses pemutuan padi serendah 9% berbanding purata industri sebanyak 20%; lonjakan penghasilan padi sehingga 150% pada musim pertama penuaian;** dan sebagainya.
38. Terkini, SMART SBB bagi model Ala Sekinchan telah terbukti mampu meningkatkan hasil pengeluaran padi dengan mengaplikasikan amalan pertanian baik daripada kawasan Sekinchan, Selangor.
39. Umum mengetahui bahawa kawasan Sekinchan terkenal dengan penghasilan padi melebihi 10 tan metrik per hektar. Dengan penggunaan jentera terkini
- | | | |
|---|--|---|
| Kerjasama Strategik Pelbagai Pihak Berkepentingan Dalam Industri | Kejayaan SMART Sawah Berskala Besar (SMART SBB) | Pencapaian SMART SBB Ala Sekinchan |
|---|--|---|

TEKS UCAPAN SESI PENERANGAN MENTERI

seperti jentanam dan penggunaan dron pertanian, projek rintis di Kampung Lat 1000, Perlis **telah berjaya mengeluarkan hasil padi sebanyak 10.45 tan metrik** per hektar, berbanding hasil sebelumnya sebanyak 7.00 tan metrik per hektar sahaja.

40. Kerajaan turut meluluskan peruntukan **projek pengairan sebanyak RM3 bilion bagi menjayakan projek penanaman padi lima musim dalam dua tahun** berskala besar dengan menyediakan infrastruktur seperti sistem pengairan dan jalan di kawasan sawah Lembaga Kemajuan Pertanian Muda (MADA) seluas 201,000 hektar bagi tempoh sekurang-kurangnya tiga tahun. **Inisiatif 5 Kali 2 Di Kawasan MADA**
41. Selain itu, KPKM melalui MARDI turut berkerjasama dengan IPT dan badan penyelidikan bagi penghasilan benih padi berkualiti yang boleh dituai dalam tempoh kurang daripada 75 hari, tahap toleransi tinggi kepada pengairan yang fleksibel dan tahan cuaca ekstrem. **R&D Bagi Penghasilan Benih Padi Bermutu**
42. Memandang ke hadapan, Kerajaan akan **meluaskan lagi pelaksanaan program SMART SBB** terutamanya model Ala Sekinchan ke seluruh negara; **menambah keluasan jelapang padi negara terutamanya di Sabah dan Sarawak; meluaskan rangkaian penyelidikan dan pembangunan** **Perancangan Masa Hadapan**

TEKS UCAPAN SESI PENERANGAN MENTERI

dengan kerjasama pelbagai pihak seperti Kementerian Sains, Teknologi dan Inovasi (MOSTI), institusi pengajian tinggi dan sebagainya.

PENUTUP DAN HARAPAN

Ahli Yang Berhormat,

43. Setiap dimensi keterjaminan makanan perlu dititik beratkan bagi memastikan setiap rakyat mendapat bekalan makanan yang mencukupi dan selamat pada harga yang berpatutan. **Agenda Meningkatkan Keterjaminan Makanan Negara.**
44. Justeru, selaras dengan hasrat membangun Malaysia MADANI, adalah **menjadi tanggungjawab semua pihak** bagi memastikan tahap keterjaminan makanan negara selaras dengan konsep, **dengan izin, Food Security is a Shared Responsibility.**
45. Sehubungan itu, saya ingin membuat penegasan bahawa **agenda keterjaminan makanan negara perlu menjadi keutamaan dalam Belanjawan 2024** yang akan datang ke arah pembangunan sistem makanan yang cekap dan berdaya tahan serta berpotensi meningkatkan pendapatan pengeluar makanan di sepanjang rantai makanan. **Fokus Belanjawan 2024 Ke Arah Memperkuuh Tahap Keterjaminan Makanan Negara**

TEKS UCAPAN SESI PENERANGAN MENTERI

46. Kerjasama dan sokongan yang ditunjukkan oleh semua Yang Berhormat terhadap beberapa inisiatif Kementerian terutamanya dalam mengendalikan isu yang sangat dekat di hati kita ini diharap dapat memberi lebih manfaat kepada rakyat Malaysia secara keseluruhannya.

Sekian, terima kasih.

Wassalamualaikum Warahmatullahi Wa Barakatuh.